

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI KHAMIS, 21 NOVEMBER 2013, PUKUL 10.00 PAGI**

**Bil. 43**

---

**PERTANYAAN-PERTANYAAN BAGI JAWAB LISAN**

1. PR-1313-L59006  
**Dato' Sri Azalina binti Dato' Othman Said [ Pengerang ]** minta **MENTERI PENGANGKUTAN** menyatakan sekiranya cadangan bahawa cukai jalan bagi kenderaan-kenderaan kelas rendah dikecualikan sama sekali atau dihadkan pada satu kadar tetap nominal untuk membantu rakyat berpendapatan rendah dan sederhana yang bergantung kepada kenderaan sendiri dalam suasana pemotongan subsidi petrol.
2. PR-1313-L58618  
**Dato' Dr. Mujahid Yusof Rawa [ Parit Buntar ]** minta **MENTERI TENAGA, TEKNOLOGI HIJAU DAN AIR** menyatakan insentif bagi mewujudkan bangunan hijau di premis-premis perniagaan.
3. PR-1313-L57996  
**Dato' Wira Mohd Johari bin Baharom [ Kubang Pasu ]** minta **MENTERI KEMAJUAN LUAR BANDAR DAN WILAYAH** menyatakan tentang peranan Jabatan Hal Ehwal Orang Asli, berapakah bilangan Orang Asli yang didaftarkan sehingga kini dan berapakah jangkaan pertumbuhan mereka sehingga tahun 2020. Apakah strategi untuk membangunkan tempat perlindungan rumah kediaman kepada mereka yang telah dan akan dilakukan oleh pihak berkaitan.
4. PR-1313-L57772  
**Tuan M. Kulasegaran [ Ipoh Barat ]** minta **PERDANA MENTERI** menyatakan apakah masalah sosial dan ketiadaan harmoni sosial yang dihadapi oleh masyarakat India dan nyatakan polisi untuk membantu mereka.
5. PR-1313-L57087  
**Dato' Seri Ong Ka Chuan [ Tanjong Malim ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah usaha-usaha yang sedang dilaksanakan di bawah program transformasi yang bertujuan untuk menangani kos sara hidup rakyat seperti mana yang terkandung dalam NKRA.

6. PR-1313-L59025  
**Puan Siti Zailah binti Mohd Yusoff [ Rantau Panjang ]** minta **MENTERI DALAM NEGERI** menyatakan bilakah projek menaik taraf kawasan CIQ di Rantau Panjang akan dilaksanakan dan berapakah peruntukan untuk menaik taraf jalan raya di Rantau Panjang serta pencerahan dengan lampu di sepanjang jalan utama menuju ke pintu masuk ke negara jiran Thailand.
7. PR-1313-L58903  
**Tuan Anuar bin Abd. Manap [ Sekijang ]** minta **MENTERI KEMAJUAN LUAR BANDAR DAN WILAYAH** menyatakan jumlah pinjaman pelajaran MARA yang telah dikeluarkan untuk tempoh masa 2004-2013 dan berapakah peratusan jumlah bayaran balik yang telah diterima untuk tempoh masa tersebut.
8. PR-1313-L58993  
**Dr. Mohd. Khairuddin bin Aman Razali [ Kuala Nerus ]** minta **MENTERI LUAR NEGERI** menyatakan pendirian Malaysia terhadap Semakan Berkala Sejagat (Universal Periodic Review) 2013, Human Rights Council, United Nations.
9. PR-1313-L57667  
**Dato' Haji Irmohizam bin Haji Ibrahim [ Kuala Selangor ]** minta **MENTERI PERDAGANGAN ANTARABANGSA DAN INDUSTRI** menyatakan :-
  - (a) apakah program-program khusus yang dirancang atau dilaksanakan oleh Kerajaan untuk meningkatkan kualiti pembungkusan dan penjenamaan produk PKS; dan
  - (b) apakah syarat-syarat yang telah dikenakan kepada PKS bagi mendapatkan sijil 1-InnoCent (1-Innovation Certification for Enterprise Rating and Transformation) dan apakah faedah atau keistimewaan yang akan dinikmati oleh PKS yang mendapat sijil pengiktirafan ini.
10. PR-1313-L58452  
**Tuan Mohd Rafizi bin Ramli [ Pandan ]** minta **MENTERI PENDIDIKAN** menyatakan status pengesahan jawatan Pengetua Kolej Melayu Kuala Kangsar (MCKK) yang masih lagi dipinjamkan ke Kementerian Pelajaran sejak 2010, sedangkan MCKK menunjukkan prestasi mendadak sejak beliau menerajui institusi itu. Apakah penghalang beliau disahkan sebagai penjawat tetap Pengetua MCKK sedangkan mutu pengetua seperti beliau sangat diperlukan dan bilakah beliau akan disahkan di dalam jawatan beliau.
11. PR-1313-L58032  
**Dr. Mansor bin Abd Rahman [ Sik ]** minta **MENTERI KESIHATAN** menyatakan adakah Kementerian bercadang untuk mengadakan undang-undang dan membuat dakwaan kepada penyedia-penyedia makanan yang mana dengan kelalaian mereka menyebabkan orang-orang yang memakan makanan itu mendapat kemudaratan seperti sakit atau mati, sepertimana yang berlaku kes keracunan makanan di Kedah baru-baru ini.

12. PR-1313-L58917  
**Tuan Zairil Khir Johari [ Bukit Bendera ]** minta **MENTERI BELIA DAN SUKAN** menyatakan apakah rancangan Kementerian untuk menangani monopoli tokoh-tokoh politik dalam pentadbiran dan pengurusan pertubuhan belia dan sukan baik di peringkat daerah, negeri mahupun kebangsaan.
13. PR-1313-L57700  
**Tuan Rozman bin Isli [ Labuan ]** minta **MENTERI TENAGA, TEKNOLOGI HIJAU DAN AIR** menyatakan apakah sudah ada kajian untuk fasa ketiga paip dasar laut pembekalan air dari Beaufort ke Labuan sejajar dengan kepesatan pembangunan di Labuan.
14. PR-1313-L58566  
**Dato' Kamarudin bin Jaffar [ Tumpat ]** minta **MENTERI LUAR NEGERI** menyatakan sama ada Malaysia benar-benar bersedia sepenuhnya untuk memenuhi tuntutan-tuntutan Asean Economic Community (AEC) pada tahun 2015.
15. PR-1313-L58281  
**Datuk Wee Jeck Seng [ Tanjong Piai ]** minta **MENTERI PENDIDIKAN** menyatakan apakah tindakan yang diambil untuk mengelakkan pembaziran tenaga manusia memandangkan guru-guru yang mendapatkan Diploma Perguruan Lepas Ijazah Sekolah Rendah (DPLI-SR) tidak dapat penempatan ke mana-mana sekolah selepas berijazah.
16. PR-1313-L57358  
**Puan Nurul Izzah binti Anwar [ Lembah Pantai ]** minta **MENTERI PERDAGANGAN ANTARABANGSA DAN INDUSTRI** menyatakan bilakah Jawatankuasa Tetap Parlimen berkaitan TPPA dan Perjanjian Perdagangan lain akan diwujudkan, lebih-lebih lagi setelah Kongres Amerika Syarikat tertutup secara automatik pada 1 Oktober 2013.
17. PR-1313-L58168  
**Dato' Wira Othman bin Abdul [ Pendang ]** minta **MENTERI PENDIDIKAN** menyatakan apakah Kementerian telah mengenal pasti beban kerja yang ditanggung oleh guru-guru sekolah dan cara untuk mengatasinya.
18. PR-1313-L57318  
**Tuan William Leong Jee Keen [ Selayang ]** minta **MENTERI DALAM NEGERI** menyatakan bilangan PATI yang tersabit dalam kes jenayah untuk setiap tahun dari 2007-2013 mengikut kewarganegaraan, jantina dan jenayah.
19. PR-1313-L59038  
**Datuk Joseph Salang anak Gandum [ Julau ]** minta **MENTERI PENDIDIKAN** menyatakan langkah-langkah yang sedang dan akan dilakukan bagi menaikkan kualiti pendidikan di kawasan pedalaman Sarawak dan Sabah.

20. PR-1313-L58396  
**Tuan Su Keong Siong [ Ipoh Timor ]** minta **MENTERI KEWANGAN** menyatakan:-
- (a) langkah-langkah yang diambil oleh Kerajaan untuk membanteras kegiatan dan aktiviti skim cepat kaya; dan
  - (b) apakah status terkini berkenaan dengan pembayaran balik wang pelaburan dalam skim Bestino, Ipoh.
21. PR-1313-L58138  
**Datuk Raime bin Unggi [ Tenom ]** minta **MENTERI KEMAJUAN LUAR BANDAR DAN WILAYAH** menyatakan langkah-langkah yang perlu diambil bagi membantu kaum Murut yang dikategorikan sebagai etnik kelima termiskin atau miskin tegar di negara ini yang mana seramai 3204 keluarga dikenal pasti berdasarkan pangkalan data e-Kasih janaan pada September 2013 lalu.
22. PR-1313-L58425  
**Dato' Johari bin Abdul [ Sungai Petani ]** minta **MENTERI KEWANGAN** menyatakan:-
- (a) senaraikan syarikat-syarikat Malaysia dan luar negara yang diberikan lesen takaful untuk melaksanakan sistem insurans Islam; dan
  - (b) adakah Kerajaan mempunyai mekanisme bagi memantau tindakan syarikat-syarikat dan tenaga kerja agar mereka betul-betul mengamalkan sistem yang digariskan oleh hukum Islam.
23. PR-1313-L57678  
**Dato Sri Dr. Muhammad Leo Michael Toyad Abdullah [ Mukah ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan senarai bahan makanan yang akan terus di beri subsidi oleh Kerajaan.
24. PR-1313-L57176  
**Tuan Abdullah Sani bin Abdul Hamid [ Kuala Langat ]** minta **MENTERI DALAM NEGERI** menyatakan bilangan pekerja asing tanpa izin sehingga 1 Oktober 2013 dan apakah langkah-langkah yang diambil untuk mengurangkan angka tersebut.
25. PR-1313-L58143  
**Tuan Che Mohamad Zulkifly bin Jusoh [ Setiu ]** minta **MENTERI SAINS, TEKNOLOGI DAN INOVASI** menyatakan langkah Kementerian bagi mencapai sasaran mengkomersialkan sekurang-kurangnya 360 produk dan inovasi tempatan.

26. PR-1313-L57691  
**Dato' Ngeh Koo Ham [ Beruas ]** minta **MENTERI PERTANIAN DAN INDUSTRI ASAS TANI** menyatakan keputusan kajian yang dijanjikan oleh Menteri dalam tahun 2007 berkenaan dengan penggunaan pukut tunda dengan jaring berlubang 38 mm dan kenapa laporan tersebut masih tidak diumumkan kepada orang ramai.
27. PR-1313-L57980  
**Dato' Haji Abdul Rahman bin Haji Mohamad [ Lipis ]** minta **MENTERI PENDIDIKAN** menyatakan rasional penggunaan khidmat perunding luar negara dalam pembinaan Pelan Pembangunan Pendidikan Malaysia dengan bayaran RM20.56 juta sedangkan negara kita juga mempunyai Majlis Profesor Negara yang menghimpun ratusan ahli sarjana yang pakar dalam pelbagai bidang.
28. PR-1313-L57888  
**Dato' Kamarul Baharin bin Abbas [ Telok Kemang ]** minta **MENTERI KOMUNIKASI DAN MULTIMEDIA** menyatakan :-
- (a) penjelasan berkaitan pemberian rasuah oleh Syarikat Alcatel Lucent SA kepada pegawai Telekom Malaysia Berhad (TM) berkaitan kontrak perkhidmatan mudah alih 3G pada tahun 2005; dan
  - (b) tindakan Kerajaan dan pengurusan Telekom Malaysia Berhad (TM) terhadap pegawai-pegawai tersebut.
29. PR-1313-L58880  
**Datuk Haji Datu Nasrun bin Datu Mansur [ Silam ]** minta **MENTERI KEWANGAN** menyatakan melalui langkah rasionalisasi subsidi, adakah pihak Kerajaan akan dapat memberi jaminan bahawa harga barangan keperluan tidak akan meningkat dan melebihi pendapatan isi rumah di bawah paras RM2,500 ke bawah, serta apakah insentif yang akan diperoleh oleh rakyat melalui kesan rasionalisasi subsidi ini.
30. PR-1313-L58029  
**Tuan Sim Tong Him [ Kota Melaka ]** minta **MENTERI KESIHATAN** menyatakan jumlah kos yang perlu untuk mewujudkan satu Wad Neuro dan Wad Cardio. Bilakah Hospital Besar Melaka akan dapat Wad Neuro dan Wad Cardio. Berikan bilangan pesakit neuro dan pesakit kardio yang perlu dihantar ke hospital lain dari Hospital Besar Melaka sejak tahun 2001.
31. PR-1313-L58226  
**Dato' Hasbullah bin Osman [ Gerik ]** minta **MENTERI PENGANGKUTAN** menyatakan adakah sistem radar di KLIA yang dikatakan tidak mampu untuk menampung jumlah trafik udara yang terlalu banyak terutama pada waktu puncak. Adakah Kementerian bercadang untuk menaik taraf sistem sedia ada.

32. PR-1313-L58816  
**Datuk Koh Nai Kwong [ Alor Gajah ]** minta **MENTERI KESIHATAN** menyatakan apa langkah-langkah untuk mengatasi masalah kegemukan atau obesiti di kalangan golongan kanak-kanak.
33. PR-1313-L58901  
**Tuan Ahmad Marzuk bin Shaary [ Bachok ]** minta **MENTERI PENDIDIKAN** menyatakan penambahbaikan yang telah dibuat dalam sektor pendidikan agama sepanjang 5 tahun. Apakah alasan pihak Kerajaan masih mengekalkan penggunaan buku Iqra di sekolah rendah walaupun ianya mengandungi kesalahan dan kekeliruan. Apakah ada usaha pemurnian dan penambahbaikan kandungan buku Iqra tersebut.
34. PR-1313-L57470  
**Tuan Shamsul Iskandar bin Mohd Akin [ Bukit Katil ]** minta **PERDANA MENTERI** menyatakan:-
- (a) sama ada Malaysia masih berada pada status negara pengeksport minyak bersih atau telah memasuki status negara pengimport bersih dan sekiranya telah, sejak bila Malaysia mengalami perubahan status tersebut ; dan
  - (b) impak perubahan status Malaysia dari pengeluar minyak bersih kepada pengimport minyak bersih terhadap ekonomi negara.
35. PR-1313-L58604  
**Tuan Mohamed Hanipa bin Maidin [ Sepang ]** minta **MENTERI KEMAJUAN LUAR BANDAR DAN WILAYAH** menyatakan Kerajaan bercadang menubuhkan Maktab Rendah Sains Mara ( MRSM ) atau MRSM Ulul Albab di Kawasan Parlimen Sepang.
36. PR-1313-L59071  
**Tuan Haji Ahmad Lai bin Bujang [ Sibuti ]** minta **MENTERI PERUSAHAAN PERLADANGAN DAN KOMODITI** menyatakan apakah bentuk industri hulu dan hiliran kelapa sawit yang sesuai untuk pengusaha sawit khusus di negeri Sarawak yang telah dirancang oleh pihak Kerajaan bagi memastikan kelapa sawit sebagai Bidang Ekonomi Utama Negara (NKEA).
37. PR-1313-L57380  
**Tuan R. Sivarasa [ Subang ]** minta **MENTERI PERTAHANAN** menyatakan sama ada Kerajaan ada apa-apa urusan dengan syarikat Terasasi Sdn Bhd dan juga syarikat Terasasi di Hong Kong yang berkaitan dengan pembelian dua kapal selam Scorpene oleh Kerajaan Malaysia.
38. PR-1313-L57108  
**Tuan Ng Wei Aik [ Tanjong ]** minta **PERDANA MENTERI** menyatakan sama ada tindakan undang-undang akan diambil oleh Jabatan Insolvensi Malaysia terhadap Goh Choon Lye, seorang bankrap yang belum dilepaskan yang telah mengagihkan wang tunai berjuta-juta ringgit kepada orang awam secara terang-terang semasa PRU ke-13.

39. PR-1313-L57650  
**Tuan Sim Chee Keong [ Bukit Mertajam ]** minta **PERDANA MENTERI** menyatakan jumlah subsidi yang telah diberi kepada pelabur-pelabur di bawah Projek SCORE di Sarawak termasuk pengecualian cukai, pengurangan tarif elektrik, subsidi dalam bentuk kewangan atau kemudahan dan sebagainya.
40. PR-1313-L57853  
**Datuk Ahmad Jazlan bin Yaakub [ Machang ]** minta **MENTERI KESIHATAN** menyatakan bilangan kes denggi termasuk kematian akibat kes berkenaan bagi tempoh 2010 hingga 2013 terkini mengikut negeri dan langkah Kementerian bagi membendung kes denggi daripada terus meningkat.
41. PR-1313-L58943  
**Datuk Noor Ehsanuddin bin Mohd Harun Narrashid [ Kota Tinggi ]** minta **MENTERI KESIHATAN** menyatakan jumlah graduan lulusan bidang kejururawatan yang masih menganggur dan apakah langkah-langkah yang diambil bagi menyelesaikan permasalahan ini.
42. PR-1313-L57113  
**Dr. Haji Izani bin Haji Husin [ Pengkalan Chepa ]** minta **MENTERI PELANCONGAN DAN KEBUDAYAAN** menyatakan adakah Kerajaan berhasrat untuk membangunkan pantai-pantai di kawasan Parlimen Pengkalan Chepa seperti Pantai Mek Mas, Pantai Kundor, Pantai Kuala Pak Amat dan lain-lainnya untuk dimajukan sebagai tempat tarikan pelancong memandangkan tempat-tempat tersebut sangat cantik.
43. PR-1313-L57896  
**Tuan Charles Anthony Santiago [ Klang ]** minta **MENTERI SUMBER ASLI DAN ALAM SEKITAR** menyatakan perkembangan terkini dalam pelaksanaan dan ratifikasi "ASEAN Agreement Trans-boundary Haze Pollution" selepas insiden Surabaya. Apakah usaha ASEAN dalam memastikan supaya Indonesia serius dengan menangani masalah jerebu sempadan.
44. PR-1313-L57554  
**Tuan Hee Loy Sian [ Petaling Jaya Selatan ]** minta **MENTERI BELIA DAN SUKAN** menyatakan sama ada laporan perbelanjaan dan pendapatan Sukan Komanwel 1998 oleh SUKOM Ninety Eight Bhd. sudah selesai dan sedia untuk dibentangkan kepada umum.
45. PR-1313-L57546  
**Dato' Fauzi bin Abdul Rahman [ Indera Mahkota ]** minta **MENTERI KEWANGAN** menyatakan dengan jelas tentang jumlah hutang negara ketika ini dan perbandingannya dengan KDNK negara, dan nyatakan berserta butir-butir terperinci di atas jaminan Kerajaan Pusat yang menjadi liabiliti negara kini mengikut pecahan jaminan-jaminan yang dibuat.

46. PR-1313-L57822  
**Datuk Nur Jazlan bin Mohamed [ Pulai ]** minta **MENTERI KEWANGAN** menyatakan adakah pelantikan perunding dalam projek-projek Kerajaan atau Syarikat Berkaitan Kerajaan (GLC) adalah perkara yang wajib dan di manakah pemantauan dilakukan pihak Kerajaan dalam memastikan cadangan konsultan benar-benar menepati kriteria projek yang hendak dilaksanakan.
47. PR-1313-L58875  
**Datuk Johari bin Abdul Ghani [ Titiwangsa ]** minta **PERDANA MENTERI** menyatakan di bawah Peruntukan Khas (Carve Out) kontrak projek mega untuk syarikat Bumiputera, berapa jumlah syarikat Bumiputera yang sudah memperoleh kontrak projek mega mengikut kelas kontraktor A sehingga kontraktor kelas F serta berapa nilai projek mega yang diperoleh sejak diperkenalkan tahun 2012 lalu.
48. PR-1313-L58588  
**Dato' Noraini binti Ahmad [ Parit Sulong ]** minta **PERDANA MENTERI** menyatakan peranan dan fungsi Unit Pembangunan Bumiputera (UPB) yang akan diwujudkan di kementerian-kementerian agar ianya tidak disalahertikan oleh etnik bukan bumiputera di Negara ini.
49. PR-1313-L57430  
**Dato' Haji Mahfuz bin Omar [ Pokok Sena ]** minta **MENTERI DALAM NEGERI** menyatakan apakah langkah-langkah Kerajaan dalam mengatasi kehilangan senjata api dan gari polis seperti yang dilaporkan oleh Laporan Ketua Audit Negara 2012.
50. PR-1313-L58084  
**Datuk Haji Abdul Azeez bin Abdul Rahim [ Baling ]** minta **MENTERI BELIA DAN SUKAN** menyatakan apakah terdapat sebarang perancangan untuk menggalakkan aktiviti sukarelawan dan kemasyarakatan di kalangan masyarakat agar dapat dijadikan satu gaya hidup dan budaya baru.
51. PR-1313-L57389  
**Datuk Juslie bin Ajirol [ Libaran ]** minta **MENTERI PERTANIAN DAN INDUSTRI ASAS TANI** menyatakan setakat mana kesediaan Kerajaan memasang Sistem Pengenalan Automatik (AIS) pada semua bot nelayan yang beroperasi di kawasan perairan timur Sabah sebagai satu kaedah atau isyarat apabila berlaku kecemasan boleh dihantar kepada kapal tentera laut, pasukan polis Marin dan Agensi Penguatkuasaan Maritim Malaysia yang boleh mengesannya menerusi radar.
52. PR-1313-L58556  
**Tuan Wan Hasan bin Mohd Ramli [ Dungun ]** minta **PERDANA MENTERI** menyatakan berapakah Biro Tatanegara yang masih beroperasi dan nyatakan perbelanjaan yang telah dikeluarkan untuk program ini sejak ditubuhkan hingga tahun 2012.



53. PR-1313-L57942  
**Datuk Seri Panglima Haji Abdul Ghapur bin Haji Salleh [ Kalabakan ]** minta **PERDANA MENTERI** menyatakan berapa peruntukan Rancangan Malaysia ke-10 yang sudah disalurkan ke negeri Sabah dan berapa peratuskah yang sudah dibelanjakan.
54. PR-1313-L59113  
**Tuan Karpal Singh [ Bukit Gelugor ]** minta **PERDANA MENTERI** menyatakan mengapa Mahkamah Persekutuan yang terdiri daripada lima belas hakim tidak mempunyai mana-mana wakil daripada hakim yang berbangsa India.

### **ATURAN URUSAN MESYUARAT DAN USUL-USUL**

1. **Menyambung Semula Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

#### **Dalam Jawatankuasa Sebuah-buah Majlis (20 November, 2013)**

- |    |                |   |                               |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013  | <b>Bacaan Kali Yang Kedua</b> |
|    |                | <b>[ Menteri Kewangan ]</b>   |                               |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “                             |
|    |                | <b>[ Menteri Dalam Negeri ]</b>   |                               |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013                               | “                             |
|    |                | <b>[ Menteri Kewangan ]</b>   |                               |
| 5. | (D.R. 17/2013) | Rang Undang-undang Loteri (Pindaan) 2013  | “                             |
|    |                | <b>[ Menteri Kewangan ]</b>   |                               |
| 6. | (D.R. 18/2013) | Rang Undang-undang Pertaruhan Pool (Pindaan) 2013                                       | “                             |
|    |                | <b>[ Menteri Kewangan ]</b>   |                               |

7. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “

**[ Menteri di Jabatan Perdana Menteri ]**

8. (D.R. 10/2013) Rang Undang-undang Kanun Tatacara Jenayah (Pindaan) 2013 “

**[ Menteri di Jabatan Perdana Menteri ]**

9. (D.R. 12/2013) Rang Undang-undang Keterangan (Pindaan) 2013 “

**[ Menteri di Jabatan Perdana Menteri ]**

10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “

**[ Menteri Pelancongan dan Kebudayaan ]**

11. (D.R. 20/2013) Rang Undang-Undang Dadah Berbahaya (Pindaan) 2013 “

**[ Menteri Kesihatan ]**

12. PR-1313-U58205

**Datuk Madius Tangau [ Tuaran ]** akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

**( Perdana Menteri )**

13. PR-1313-U59118

**Tuan Zairil Khir Johari [ Bukit Bendera ]** akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

**( Kementerian Pendidikan )**

14. PR-1313-U57786

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

**( Kementerian Sumber Manusia )**

15. PR-1313-U58419

**Tuan Fong Kui Lun [ Bukit Bintang ]** akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

**( Perdana Menteri )**

16. PR-1313-U58420

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

**( Perdana Menteri )**

17. PR-1313-U58688

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**( Kementerian Dalam Negeri )**

18. PR-1313-U58691

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

**( Kementerian Pendidikan )**

19. PR-1313-U59119

**Dr. Tan Seng Giaw [ Kepong ]** akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

**(Menteri Kesejahteraan Bandar, Perumahan dan Kerajaan Tempatan)**

20. PR-1313-U59120

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

**( Menteri Pengangkutan )**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2013</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST.69	Laporan Tahunan dan Penyata Kewangan Lembaga Getah Malaysia Bagi Tahun 2012.	21 November 2013
ST.91	Laporan Tahunan dan Penyata Kewangan Lembaga Lebuhraya Malaysia Bagi Tahun 2012.	21 November 2013